



Australian Chungkhar Pawl

Australia ram ah hin chungkhar phun dangdang tampi an um i, nai ziakmi chungkhar phun he khan an i dang ngai men lai.

Australian chungkhar ah hin i cawhpawlh lulh in khuasati minung tampi an um ve. Chungkhar phungkel ah hringtu nulepa le fale an um ti a si men ko lai nain chungkhar tampi ah cun nu-ei le pa-ei, fa-ei; mifa ai lakmi nulepa le fa lak cawmmi; u le nau mah le mah ai zohkhenhmi; ngeih khat a simi nuva le a tufale a zohkhenhmi pi le pu tiah chungkhar phun tampi an um. Fale zohkhenhtu nupi lawng/pasal lawng tiin hi chungkhar phun hi a karh chinmi le sining kel in ruah chin lengmang a si.

Australia i chungkhar ah minung zeizat paoh an um kho. Chungkhar tampi nih fa pahnih, asiloah, cu nak tlawm an ngeih, fa pathum, asiloah, pali tiang a ngeimi chungkhar thenkhat an um kho ve ko. Nu tampi nih kum 30 hrawng an si ah, fatir an ngeih i, nuva thenkhat nih cun, fa ngeih lo hrimhrim an i thim.

Australia mi vialte hi te le fa chungkhar he khua an sati viar hlei lo. Kumkhua a tar cangmi nulepa cu, anmah lawng in khua an sa ttheu ko, asiloah, tar zohkhenhnak inn ('dinh inn' ti tawnmi) ah an um.

I thi-um lo in pa le nu hmunkhat ah khuasati an um kho ve ko. Hihi phungkel i ruahmi phunglam, asiloah, pehtlainnak 'taktak' timi a si i, khuatlang nun le phunglam nih an pompi vevemi a si.

Australia ah cun miphun le biaknak i khah lo zongah zalong te in thit vat a si. Nupi pasal ngeih khawh nakdingah kum 18 leng si a hau. Asinain thit vat dingmi minung pa khatkhat kha kum 16, asiloah, 17 a si ahcun, cozah biaceih zung nih dinhdorhnak phung in hnatlakpiak khawh a si.

Australia ah nupi pasal kawlpiaik chom in i thit-umhnak cohlanpiak khawh a si nain hnek chom in thit-umhter belte phung ning lo a si. Kum 18 leng a kai cangmi pahnih nih i thit-umh an duh ahcun, an i thi-um kho ko. Aho hmanh nih hnek chom belte in thit-umhter khawh a si lo.

Caan khatte ah nupi le pasal pakhat nak tam in ngeih hi cozah phunglam nih a onh lo.

Nu le va i thenhmal hi phungkel i ruahmi le zatlang nun ah pommi a si. Nuva i then hnu ah nupi, pasal ngeih tthan hi phungkel ah ruahmi a si.

Australian nu tam u hi inn hngak si lo in, rian hmun ah an va tuan cio deuh ngawt. Innchung rian ah pa tampi nih heh tiah rian an bawmh ko hna, tahchunnak ah, dawr ah mehmua va cawk, rawlchuan, inn thianh le fa zohkhenh tbk. an bawmh hna. A zeimaw cu, an nupile nih rian an tuan i, an pasalle nih nau an umh i, innchung rian an tuan.

Tleirawl minung nih tangka hlawnak le thiamnak thar ngeih ruah ah caan cheu rian an tuan tawn. Hi nih hin rianthiam hmuhtonnak mansung le mah hman awk tangka hlawnak caantha a pek hna, a herh ahcun, chungkhar herhbau tangka liam an bawmh ko hna.



Hi ka a lonnak cahmai hi cu nganh ta hramhrammi a si



Australian Government
Department of Social Services

Mipeem Caah Tuantu Ramkip Huap Phu nih
Australian Cozah Zatlant Bawmhnaak Phu
ai-awh in a cawnpiak hna

